

愚

齋

存

稿

愚齋存稿卷第八十九

電報補遺目錄

川督鹿滋帥來電

寄川督鹿滋帥

寄直督王夔帥

寄成都王柳堂

直督王夔帥來電

又

寄上海楊守廷果趙令宗詒

寄直督王夔帥

王夔帥致張香帥電

寄直督王夔帥

又

王夔帥來電

鄂督張香帥致直督王夔帥

寄王夔帥

王夔帥致張香帥電

王夔帥來電

寄張香帥

寄北京翁弢甫侍講斌孫

寄王夔帥

京翁駸甫來電

寄翁駸甫

王夔帥來電

寄王夔帥

又

寄京翁恭卿

寄津督王夔帥

王夔帥來電

寄王夔帥

王夔帥來電

張香帥致王夔帥電

又

陳道允頤來電

王夔帥致張香帥電

又王制台致張制台來電

張香帥復王夔帥來電

粵督譚文帥致王夔帥張香帥電

寄王夔帥

王制台致張制台電

直督王夔帥來電

又

寄江督劉峴帥

劉峴帥來電

寄劉峴帥

粵督譚文帥來電

寄粵督譚文帥

寄直督王夔帥

王夔帥來電

寄武昌張香帥

寄直督王夔帥

又

王夔帥來電

寄王夔帥

鄂督張香帥來電

寄鄂督張香帥

又

又

李傅相自比國來電

張香帥來電

寄王夔帥

津督署王夔帥來電

寄王夔帥張香帥

寄鄂督張香帥

王夔帥來電

寄新加坡張弼士領事

王夔帥來電

寄鄂督張香帥

直督王夔帥來電

又

張香帥來電

湘撫陳右銘中丞來電

直督王夔帥來電

寄王夔帥

寄張香帥

直督王夔帥來電

寄武昌張香帥

寄天津王夔帥

寄鄂督張香帥

又

寄武昌惲菴翁

寄王夔帥

武昌惲菴雲方伯來電

鄂督張香帥來電

寄王夔帥惲菴翁

津督王夔帥來電

又

直督王夔帥寄鄂督張香帥電

又

又

鄂督張香帥寄直督王夔帥電

寄武昌惲菴翁

武昌惲菴翁來電

愚齋存稿卷第八十九

電報補遺六十六

川督鹿滋帥來電

三月十三日

承念西工允撥料應急用感佩擬先修打箭爐一段請借撥電線鉤碗及必需之要件綱線約卅盤機器能得西洋者爲佳此外各料物或能自造及川局可借用者卽免撥以省運費望飭趙令領齊速運來蜀興工并酌給運費由川款內撥兌以後接展入藏線工再商李守人極精能擬奏赴藏查辦要務并以奉聞

寄川督鹿滋帥

三月十二日

據電局李守趙令電奉憲諭擬造打箭爐官線通藏要圖極應趕辦約需七號鋼線一千二百盤碗鉤八千付機器十付以及應用各種料物若由外洋定購恐致遲誤擬由上海總局撥交趙令運蜀悉照原價開單詳請再於總局欠借川款內扣除以期妥速乞速電示遵行寄直督王夔帥

三月十五日

在甯謁峴帥代述傅相所言遇有應舉大政莫如南北洋商同奏請外合則內亦不拒勿再請設商務大臣不明竅要轉致掣肘峴帥出示疏稿已請設商務主持蘆

漢宣昨接琴川密電爲鐵事將交南皮與鈞處商務未
定聞許應鏘一無華股意在洋股影射然洋商必欲盡
佔權利一國要挾各國爭衡未見其利先受其害 朝
廷宜鑒及此路不可緩宜籌直捷痛快辦法權自我操
利不外溢循序而進尅期成功鈞處奉 旨後可否飭
令與議藉抒管見宣沿江查督各局今日到漢香帥約
觀鐵政現方銳意求礦鄂廠已糜五百萬但可設法補
救宣係初始得礦之人頗願爲之區畫特恐自用道謀
難竭智慮耳

寄成都王柳堂

三月十五日

奉督帥電飭撥電線鉤碗等件先造打箭爐一段望卽查明此線應由何地接展計驛路若干里督電中有撥綢線卅里是否過河須做飛線木桿應請先行派員購辦分屯凡造線必先勘路是否候趙到再勘督電謂料物能自造者或川局可借用者可免撥運工程應用地鑽等件川省能否仿造局中有無可借中途須設幾付機器學生須撥幾名望卽與李守安商逐細電復趙令在滬來電甚屬含混恐其不知川中情形耳祈一面電復一面稟知督帥以釋憲廩

直督王夔帥來電

三月十五日

本日電旨鹿傳霖奏川藏文報遲緩擬由成都至
打箭爐先接電線川有款十萬存盛宣懷處可抵
用等語著王文韶傳知該道速卽接展毋誤事機
欽此希速遵辦並將辦理情形先行電寄

又 三月十六日

十二 諭旨已電致香帥原奏認招千萬者已有
四起聞許韋卽不相能劉鶚辦此尤爲可怪餘亦
不知其人香帥能徧識之否鄙見卽使籌款十得
其五必係洋款居多資本旣不能靠實洋股尤不
易杜絕試借箸一籌爲香帥言之不分南北通力

合作此 朝廷意也

寄上海楊守廷果趙令宗詒

三月十七日

十六奉北洋大臣電諭本日電 旨鹿傳霖奏川藏文
報遲緩擬由成都至打箭爐先接電線川有款十萬存
盛宣懷處可抵用等語著王文韶傳知該道速卽接展
毋誤事機欽此希速遵辦並將辦理情形先行電寄等
因查打箭爐電工緊要自應遵 旨速卽接展趙令迭
請向外洋另購材料必誤事機十三日奉川督憲電諭
飭撥電線鉤碗及必需之要件綱線約廿盤望飭趙令
領齊速運來蜀興工等因合亟電飭楊守等速發七號

電線一千二百細鉤碗八千付機器十付以及必需要件點交趙令領齊速運不得稍有遲誤其撥料價目遵在存款內抵用由宣徑行開報詳咨除電稟轉奏外希卽遵辦先行電復

寄直督王夔帥

三月十七日

打箭爐線事已奉鹿帥電飭速撥電線鉤碗及必需之要件若另向外洋購買必誤事機擬卽由上海總局在購存料內速發七號電線一千二百細鉤碗等八千付機器十付以及必需要件派員領運並酌給運蜀經費其撥料價目及由滬運蜀經費遵在川省存款內抵用

由電報總局徑行核實開報其委員學生均由職道稟商鹿帥派委工竣援照滇粵各省官線成案詳請奏咨決不遲誤至存款十萬查係興造川線之年奏撥電局生息嗣憲台在滇督任內奉旨接造蒙自至河口官線以與法線相接無款可籌經北洋奏准動撥川省存款二萬兩現存電局祇有八萬兩應奏明查核

王夔帥致張香帥電

三月十六日

咸一電悉十三日奉

寄諭督辦軍務王大臣奏遵議司業瑞洵奏蘆漢鐵路商辦難成請撥款官辦一摺蘆漢鐵路前經

明降 諭旨各省官商有集股在千萬兩以上者
准其設立公司自行興辦茲據該王大臣奏請官
辦不如商辦上年十月間奉 旨後卽有廣東在
藉道員許應鏘來京具呈集貲承辦當經劄飭回
粵勸募現據該員電稱股已集至七百萬兩五月
初間卽可到京又有廣東商人方培垚等并候補
知府劉鶚監生呂慶麟均稱集有股分千萬先後
具呈各願承辦請派大員督理等語蘆漢鐵路關
係重要提款官辦萬不能行惟有商人承辦官爲
督率以冀造成王文韶張之洞均係本轄之境卽

著責成該督等會同辦理道員許應鏘等分派地段准其自行承認毋稍掣肘并著該督等詳加體
督不得有洋商入股爲要等因欽此謹聞

寄直督王夔帥 三月十七日

頃香帥交閱 諭旨宣亦將鈞電呈閱香帥謂許劉皆
紕繆方呂不知其人豈有一無名望之人能招千萬鉅
款聞俱是洋人所爲在滬時亦有洋商來言外國銀行
允認股數千萬包辦數十年許華人掛名總辦餌以重
賂諒此輩皆入此迷途 諭旨旣著體督不得有洋商
入股似係誤會四起皆屬華商若不傳到切實詢問嚴

定界限恐其與人私訂合同含混滋患不徒擔誤歲月
香帥擬電咨粵督轉飭認股者赴鄂或赴津詳加審
先揭破疑團方能通籌實事凡洋人認股必專權利一
經議款定有要挾明日擬赴漢陽看鐵廠

又三月十九日

龜山看鐵廠奉香帥函謂前日夔帥電不分南北通力
合作此 朝廷意等語關係最要請閣下速電詢夔此
數語是否可靠得自何人密電速復爲荷云宣想此事
需款四五千萬工程須四五年南北通合自然之理香
帥視有關係未知何故乞電示以備呈閱

王夔帥來電

三月十九日

不分南北通力合作之說係就督辦處原奏以意揣之並非別有密電希轉復香帥

鄂督張香帥致直督王夔帥電

三月二十六日

十二日 寄諭已到原摺注意華商承辦不得以洋商入股試想粵商四起各稱集股千萬豈華商具此大力耶有銀行具保者豈外國銀行肯保華商千萬鉅款耶呂慶麟粘有銀行保單其爲銀行招洋股無疑劉鶚無銀行作保其爲不正派之洋人招攬洋股無疑 朝廷欲令詳加體督似亦略

見及此又謂許應鏘等分辦地段准其自行承認
毋稍掣肘若又信其數千萬皆屬華股總之事既
責成直鄂必當遵 旨不令洋商入股以絕無窮
後患關繫太鉅萬不敢稍有含糊弟與盛道熟商
官款難撥而注意商辦洋股不准而注意華商華
商無此大力無此遠識如輪船電報初招商股甚
難及見成效股票原本一百兩者羣起加數十兩
爭購其票以此類推路未成華股必少路既成華
股必多窮思利害莫如仰承意旨先舉商務總辦
設立蘆漢鐵路招商總局一面招集華股一面責

成商務總辦由商籌借洋債先行舉辦奏明卽以蘆漢鐵路作保分作二三十年歸還路成招到華股分還洋債收到車費抵還洋息釐訂官督商辦章程雖借資洋款雇用洋匠權利仍在中國不致喧賓奪主否則終屬空談坐延歲月必不能刻期而成閣下通達時務諒有同心但不揭破粵商認股影射之弊政府之誤信莫解辦事之良策難進原奏將許應鏘武勳等發交任用劉鶚呂慶麟交查自應電請督辦軍務處迅速飭令諸人卽行赴鄂由鄂赴津公與弟會同考督面詢實在股分是

否悉屬華商如何承認分辨自能水落石出揭破
之後再行會奏真實辦法附擬電稿卽請核定如
無更動卽請由津徑發如有酌改之處示復商妥
後仍由尊處發尊意不分南北通力合作鄙見但
求速成無分畛域可謂兩心相印昨招盛道來鄂
商辦鐵廠連日與議蘆漢路事極爲透澈環顧四
方官不通商情商不顧大局或知洋務而不明中
國政體或易爲洋人所欺或任事銳而鮮閱歷或
敢爲欺謾但圖包攬而不能踐言皆不足任此事
該道無此六病若令隨同我兩人總理此局承上

注下可聯南北可聯中外可聯官商擬俟許武等到後營出實情卽行會奏一面飭令該道由津稟承尊旨入都面謁軍務處凡奏中所不及者可詳細商酌俾免隔閡庶可速成此係預籌大概尊意然否祈先密示

又三月二十六日

擬請核定會銜致督辦軍務處電其文曰十二日寄諭奉到原奏華商承辦不得以洋商入股仰見盡謨遠慮自應遵旨詳加體督惟蘆漢幹路爲拱衛要舉實未可再託空談虛延歲月應請鈞

處速電粵督飭許應鏘武勳及方培垚劉鶚呂慶
麟迅赴直隸湖北由鄂而津以便面詢公同考覈
其所招商股各一千萬兩是否皆屬華股有無洋
商在內如何承認分辦查明確寔再行通籌辦法
復奏候 旨定奪並聞劉鶚已到滬可否電飭江
海關道令其赴鄂一見後卽赴津以便及早商辦
俾免延宕文韶之洞肅宥等語請速核復

寄王夔帥

三月二十七日

皓電轉復香帥後昨勘厥回鄂香帥面諭已將蘆漢事
電商鈞處並擬會同奉派總理以聯南北以聯官商答

以高陽屬意有人未便攙越事權不專尤恐貽誤香帥
謂我意已決高陽必爲疏通答以如蒙兩帥委任中無
隔閡再拚數年精力爲中國掙一口氣亦所不惜至所
議借洋債與招洋股大不相同若蘆漢招洋股鄂豫東
直腹地原不至遽爲所割但此端一開俄請築路東三
省英請築路滇川西藏法請築路兩粵毘連疆域初則
借路攘利終必因路割地後患無窮是何異握苗助長
若借款自造債是洋債路是華路不要海關抵押並不
作爲國債只須奏明蘆漢鐵路招商局准其借用洋款
以路作保悉由商局承辦分年招股還本路費還息便

妥萬一商股不足屆時再請將鐵路所收旱稅作爲官
股幫輔還債不分官商皆作股分一律派利官亦不喫
虧此以後之事現在 朝廷且信路未成卽有華股數
千萬或不慮路已成無華股還債也鈞座看題透亮但
須預備與督辦處說透耳謹候鈞示

王夔帥致張香帥電

三月二十八日

宥兩電均悉呂劉先後到津呂山東人在京開碓
坊一飯莊一財東爲巨商韋立森直言不諱亦殊
可笑劉更渺茫現均飭赴鄂矣尊議透闢之至辦
理次第兩地具有同心盛道實濟時之彥上年冒

不韙以保全之正爲今日茲得大力揄揚此才必有以自見督辦處電稿本日已照發祇中間去呂劉兩名未加呂劉已到津某面詢一切督悉大概現飭赴鄂數語大約許方呂三人皆有洋東在其身後洋東皆覬辦鐵路之人劉則敢爲欺謾但圖包攬而已一經犀照當畢露眞形也

王夔帥來電

三月二十八日

蘆漢鐵路必應辦亦非不能辦惟誤信華商集款之易斯爲大謬然其機已動便有辦法昨復香帥當以此事非異人任爲言我弟勉之原奏內四人

呂劉已見過現飭赴鄂可一望而知許方亦必須
一見乃可就題立論也成都接線事本日已復奏
矣

寄張香帥

三月二十九日

昨示北洋復電並奉手註速電常熟審思軍務處方信
四起皆屬華股若遽言洋債終恐火候未到與許武諸
人聯絡者必多方阻撓似不如先說透洋股之害盤馬
彎弓愈蓄愈好擬電密呈鈞覽如有應刪應加之語乞
賜改正發下再遞北洋來電錄呈似已融洽所難者內
外同心耳職道憂讒畏譏仰蒙不棄與議大政慄慄危

懼所有關係往來此事電面尙乞嚴秘密之

寄北京翁弢甫侍講斌孫 三月二十九日

香帥招赴鄂商辦鐵政適接十二 寄諭問蘆漢事甚
詳頃聞香帥電商夔帥以宣稍有閱歷擬會請設立蘆
漢鐵路招商總局責成總辦微論才力不勝憂讒畏譏
何堪任重現在 旨意以華商承辦不得洋商入股爲
主腦乃洋人覬造鐵路意甚深譎尙南北幹路難絕洋
股有事之秋彼必守公共例禁運兵械糧食且此端一
開俄請築路東三省英請築路滇川藏法請築兩粵交
錯疆域始則借路攘利終必因路割地後患無窮華人

易爲利誘初不過代洋人出頭招攬若更與私訂合同
揭破之後亦煩理解似此諒難遷就兩帥已請飭許武
諸人前來體督再籌切實良法南北所見已合如得內
外同心必能仰副商辦大意尅期而成屆時會奏中不
及詳者擬派宣赴京面陳倘蒙主持定議專任速辦再
拚數年心血爲中國掙一口氣亦不敢惜鉤意然否候
賜復卽行旋滬乞代稟

寄王夔帥

四月初二日

沁勘電香帥與宣互觀意甚快慰其兩省電皆代擬說
到本身則南皮筆也師復大加嘉許愈見融洽吾華造

路正在始基從前覓得大冶鐵山條陳醇邸開鐵政皆
爲今日現詳審勘驗鐵無窮鋼極佳兩爐齊開每年可
成極好鋼軌千里正敷蘆漢工用免使鉅款外溢鐵政
得此亦足次第推廣惟總辦不得人洋匠不用命百弊
叢集散漫雜亂必須改頭換面前有洋商就鄂議辦陳
右帥痛切諷止憚松雲力主華商持久乃屬意於宣議
集華股百萬而以實用官本作存項得利後分年歸還
奏改官督商辦路與軌兩局綜於一手路成廠亦成香
帥擬先奏派總理廠務宣本不敢擔荷但念華商無人
領袖若一推讓恐廠與路皆屬洋商貽後來患反復思

維人生百歲耳事機易失既有把握曷不放手爲之質
之夫子倘以爲然擬卽允承接遴派坐辦股董布置大
概再由滬回津稟商路事而軌已無求於外洋矣

京翁弢甫來電

四月初一日

兩帥合舉益增重鄙見先任事後入都現股夾雜
任之壞事剔之招謗弢卽到滬面談

寄翁弢甫

四月初三日

東電甚佩華股任之洋股剔之兩帥意也華人讓之洋
人爭之鄙意也南皮已函電達高陽未知何似鐵政不
得法徒糜費幾爲洋人得右銘松雲諷阻乃屬意宣督

飭華商接辦重整旗鼓以後歲可自製鋼軌千餘里路
廠如合一手塞漏卮甚大南皮意甚堅若一推讓必歸
洋人但力薄恐難勝弢翁何日到滬里門擔擱幾日以
便旋晤

王夔帥來電

四月初三日

路與軌合機會大好香帥推誠倚任吾道不孤矣
自問衰孱本不堪勝重大事因得隨香帥後不敢
不勉豎起脊梁立定腳惟有彼此努力而已何時

回滬卽電示

寄王夔帥

四月初四日

常熟東電兩帥合舉益增重鄙見先任事後入都現股
夾雜任之壞事剔之招謗弢卽到滬可面談云前日南
皮電高陽謂鐵政非歸某辦不可而路軌又必合舉頃
接回電允南北奏入必照辦言午用不用可聽南皮接
此電甚喜然管見非揭破四起後不可任事不可進策
聞言午不肯來鄂或逕北上以就粵援

又 四月初四日

電呈南皮閱尤懽洽已下檄督辦鐵政當趕緊布置約
半月後方能回滬榆關至錦州需用鋼軌若干里如未
買可定造此廠用洋人卅六名不務實可知其整頓之

難更難於當年之招商局

寄京翁萊卿

四月初五日

弢翁行否鄂接高電任剔均聽直鄂做主意轉洽兩帥
擬先奏派再入都愚見呂劉到津已揭破必須許武到
鄂考營後方可定前兩帥公電請飭許武由鄂赴津南
皮盼甚切軍務處已電粵督否粵有復否乞示

寄津督王夔帥

四月十四日

昨灼棠在厥面託電稟曾在文襄處帶兩營彭剛直在
粵派統二十營守瓊州雖未打仗能談兵聞已奏保劉
李似李勝奉 旨後求賜復數語以便轉致前途又聞

舫仙所部接統頗難原議湘淮豫三大支聶宋皆學洋
操湘部仍隔膜不知快槍快炮之利留此軍不練何用
帥與湘緣最深欲湘氣不墜盍乘此機遴一湘人肯效
洋操者接統湘部庶不虛糜鉅餉王爵棠有洋操癖屢
言學西法練兵必先餉不自發力除短扣論詳使俄草
疏內因見宣棄官而辦商務彼亦願棄官而練兵誓不
要錢爲湘人開風氣亦爲湘部謀繼起乞帥留意

王夔帥來電

四月十四日

舫部於正二月間已搖搖欲動當回湘災正重密
疏請緩乃適逢其會逮奉遣撤之 旨惟人數較

多只可陸續辦理不敢操切此意亦上達矣灼棠志趣堅卓可佩可敬新臺所需白藥據承道云此件性最猛烈碰物卽炸斷非摺差所能帶不如徐撥鋼帽之爲穩也蓋電商之劉呂已到否許韋有消息否

寄王夔帥

四月十五日

劉呂至今未到韋定許華股不實可見韋與許分聞許所招美商宣亦認得爵棠云許決不來鄂五月初或由滬入都與宣見面但係局外不必與談昨香帥談此事慮久擱臨淮回朝變卦未知督辦處有電催許武否如

催不來香帥擬請督辦處電粵督傳許詢問此外有無
迅速辦法乞鈞示饒王均卽轉達弢甫過津想已見面

王夔帥來電

四月十五日

望電悉此案原奏有許於五月初到京之說嗣見
過路電督辦處已電粵督飭傳許方徑赴鄂津如
端節後不到卽請香帥擬電挈名會請督辦處電
粵詢問劉呂本不足論如到津而不到鄂將來陳
奏亦有詞矣質之香帥以爲何如

張香帥致王夔帥電

四月十七日

杏蓀呈咸電始知督辦處已電粵督飭轉許方徑

赴鄂津但許方未必來頃電文帥詢其行期原奏
方培堉公舉武勦督辦峴帥調武勦江南差委峴
帥電云出月初由津起程茲擬會銜電督辦處請
飭武赴津就近考營連劉呂已得其三專候許信
便可會奏并擬會電譚文帥催許方兩電稿請酌
核卽由尊處發如有應改定處請改妥卽發不必
再商爲禱

又

四月十七日

擬會電督辦處云前請飭傳許應鏘等由鄂而津
公同考營尙無復信江督劉現調武勦江南差委

據云出月初由京起程可否請飭武勦順赴天津就近考營一俟許至便可復奏辦法文韶之洞同肅又擬會電廣東譚文帥云前奉寄諭許應鏘方培垚等各集股一千萬請辦蘆漢鐵路交北洋與敝處體督不得有洋商入股聞督辦處已電尊處傳飭許方徑赴鄂津迄無音信未知許方何日前來此件亟待復奏乞迅催許道及方培垚迅速來鄂再赴天津或徑赴天津亦可並請詢明行期電示爲盼

陳道允頤來電 四月十八日

呂劉已由津赴鄂武方亦已飭行許在粵集款前
月寄電粵督轉飭赴鄂至今未復

王夔帥致張香帥電

四月十九日

督辦處暨粵督已照原稿填巧字分別電催樞傳
語亦云不必遷就原奏且看許方來否即可定議
一切偏勞諸希心照

又王制台致張制台來電

四月二十日

頃接督辦處寄電稱巧電悉許應鏘尙無回電武
勦現已出京未知取道何處希由貴處電催赴津
等因特照轉

張香帥復王夔帥來電

四月二十一日

轉到督辦處寄電敬悉昨劉峴帥翰電武勦由京起程尙擬到汴料理而後來江此時或尙在河南卽請尊處就近設法電催赴津較速

粵督譚文帥致王夔帥張香帥電

四月十九日

前來總署寄電許應鏘集有巨款飭卽徑赴鄂津當經轉飭日久未復茲奉巧電催據許道稟請前月接敝友自南洋商埠來電已集股七百餘萬俟招足千萬卽返伊俟友到起程等語所言是否可靠有無洋商入股無從查確方培壺不知何人總

署前電亦未提及

寄夔帥

四月十八日

咸電呈南皮閱後屬擬三電京粵已否核發方培堯聞是洋行買辦如一詢武勳可得其端倪

王制台致張制台電

四月二十日

頃接劉景帥電稱箇電祇悉遵卽查詢據武道家屬稱已由京起程端節前可以抵汴到卽轉飭速赴津鄂等語理合轉達

直督王夔帥來電

四月二十二日

漠河匯款當留意粵督效電想香帥已交閱模糊

王夔帥來電

五月十五日

武勳到津挈方培堯之商夥侯裕承方霈咸同來稟請照淮南驗資之例先呈繳銀三百萬兩雖虛實不可知惟既有此說自非劉呂可比未便由此間一見遽爾抹煞現批令速赴鄂聽候傳驗覆奏一節不得不暫緩已電告香帥矣至將來無論如何定議總須香帥主稿吾弟萬不可動筆卽鄙人亦只能斟酌稿本未可由此間繕發緣上年覆奏之件知者避之不知者忌之此次不可再著形迹恐指爲一鼻孔出氣也切要切要洋股不可混入

洋債不能不借此意曾爲新協揆言之頗以爲然
應否道破臨時再酌

寄武昌張香帥 五月十六日

夔帥咸電武勳到津挈方培圭之商夥侯裕承方霈咸
同來稟請照准商驗資之例先呈繳銀三百萬兩雖虛
實未可知惟既有此說自非劉呂可比未便由此間一
見遽爾抹煞現批令速赴鄂聽候傳驗覆奏不得不暫
緩將來無論如何定議總須香帥主稿鄙人只能斟酌
稿本未可由此間繕發恐指爲一鼻孔出氣也洋股不
可混入洋債不能不借此意曾爲新協揆言之頗以爲

然應否道破臨時再酌云似此又須暫緩矣

寄直督王夔帥

五月十六日

咸電謹悉既令武挈侯方赴鄂候驗自應緩奏並將鈞意須由香帥主稿電鄂此間本只打算擬一辦法節略以便參酌今當心領神會一意推卻父親月杪跌傷左足幸傷絡未傷筋骨現已迎至上海就醫暫能行動餘皆無恙堪慰慈廑

又

五月二十日

前奉正月豔電俄使以電局商訂章程延宕再緩一月即向總署商議署詢未能遽訂之故二月東電稟復須

逐節磋商俾期周妥數月以來派參贊博來朱寶奎與英丹公司會議並與喀使往來辨論現已將合同草約定稿前所爭兩端一係總價議定改收七法郎克每法郎克作英洋四角據云各國均已允洽一係分費議定中英丹三公司平分香港報不分與我滬福厦三口互相往來之報不分與彼中國各處來往一等官報經過彼之滬福厦港四處水線者減半收費此合同以核准後之次月初起至西歷一千九百十年十二月底爲止餘皆報費細目無關大體職道詳細覆核俄英丹三國既合成一氣堅欲與華局訂立報費合同中國交涉事

繁亦斷難因此細故與彼跌價爭鬧如不趁此定議恐以後併此做不到現今草約已議定職道本欲鈔呈憲核咨明總署再行畫押頃據大北恆寧生接俄使電催職道先行畫押俟鈔呈奉准後再行蓋印分執是否可行乞先電咨總署候示祇遵

王夔帥來電

五月二十二日

俄使商訂電局章程當經電商總署頃接箇電云應如所議辦理希電遵等因應卽查照辦理

寄王夔帥

五月二十三日

廿三豐順運津鐵料三千二百廿四條係師電憚臬司

移交宣辦除由鐵廠稟報外乞飭鐵路局驗收此因官商交替延擱許久以後請徑行宣處必能從速

鄂督張香帥來電

五月二十六日

鐵路事關係大局亟須定議未便久延劉鶚已見已向上海查明全是虛誕卽洋股亦不可靠方培垚商夥二人一俟到鄂卽當傳驗方現已被劾其謬可知現會夔帥公電粵催許應鏘鄙意卽使許之華股屬實亦不過准其附股斷無一手承辦之理是於籌辦大意各不相涉奏稿務請速擬見示

寄鄂督張香帥

五月二十六日

昨許壻彭君來見據云許病五月不能起程舊金山本
有華股七百萬因聞南北兩帥督辦遂致觀望現又託
人催詢等語看來事無實際適當酌擬節略密呈備酌
職父足恙漸愈蒙垂詢叩感

又五月二十六日

鐵政以得煤爲體造軌爲用昨龍州關蔡道面談法請
由鎮南關造路至百色總署已允先造至龍州欽派蘇
軍門督辦其款由洋債撥可否請電詢蘇軍門其鋼軌
擬用若干磅應照奏案將應造軌里行知鄂廠趕緊代
造發端之始似未可外購法國鐵軌使各國效尤如蒙

電達總署力杜其漸不僅鐵政之幸

又 五月三十日

招商局董赴江西具領運兵水腳來電述翁方伯言鐵政歐委員前在萍鄉賬款內借領銀一萬兩應由鐵政歸還卽欲劃抵輪船兵腳云乞速賜查明電示

李傅相自比國來電

六月初一日

歷觀俄德鐵廠費多力大乃克有成願虛心講求

張香帥來電

六月初六日

前接王夔帥來電云譚文帥勘電想已接閱許道旣因病不能動身股分又須確信再復含糊支展

其情可知請酌核辦理等語是夔帥意亦願速奏
特轉達請速擬稿鐵廠摺昨已到京此事必交部
議希卽早爲佈置以期議准

寄王夔帥

六月初九日

電報合同初五發一到請速咨轉何日可達總署乞示
須電知京中博來也

津督署王夔帥來電

六月十一日

電報合同今午已到卽日咨轉四百里夾板發勉
林昨抵津現委署臬

寄王夔帥張香帥

六月十三日

新加坡領事張振勳來函伊願來滬與宣面商鐵路事
件已向龔使請假尙未奉准請代設法張實爲南洋華
商巨擘張來則從者必多可否乞憲台電咨龔使准卽
調回中國面籌路事愈速愈妙

寄鄂督張香帥

六月十三日

節略今晚已寄琴川亦有函催仁和請憲台主稿稟中
不盡之言已託松雲密陳

王夔帥來電

六月十五日

張領事已會銜電調矣俟得復再達

寄新加坡張弼士領事

六月十五日

已請張王兩帥電龔調兄來商鐵路

王夔帥來電

六月十六日

五月間總署電詢義州接線事當查此路係官局
經辦因據澄甫議覆各節分別電復咨復茲接翰
電具悉已飭房趕緊補行尊處由文報局速寄如
有錯誤卽希詳告仍當據實轉陳總署也

寄鄂督張香帥

六月十七日

夔帥電擬商憲台先就楊使復電陳電總署自然步驟
稟件到否華商股分先收二成其餘八成由公司先借
洋債分年收股還債或可辦得到但鐵路之利遠而薄

銀行之利近而厚華商必欲銀行鐵路並舉方有把握如銀行權屬洋人則路股必無成聞赫德覬覦銀行此事稍縱卽逝應否預電總署頗有關係乞鈞裁

直督王夔帥來電

六月十六日

頃接總署銑電稱蘆漢鐵路以集華股歸商辦爲主前此具呈集股之人均不可靠尊處必會商另有辦法及早具奏許道電七百萬俱金山款商見官辦恐掣肘須七月方有復信云除電商香帥先就楊使復電陳覆總署外特聞

又

六月十九日

龔使復電由滬局轉想已得見此人若肯擔承最爲合式能將借用洋款一層消納在伊身上尤爲泯然無迹試熟籌之銀行一事連類而及無不可說已商之香帥矣

張香帥來電

六月十九日

銑電所論銀行鐵路之利自以兼營並舉爲最妥尊處前擬銀行全歸商辦赫必取資官本利權旁落甚非所宜惟鐵路銀行究屬創舉措詞必須斟酌利弊尤當揭明卽請擬一電稿見示當與夔帥商定預致總署

湘撫陳右銘中丞來電

六月十九日

函敬悉煤現辦乞速電致鐵局賜借抽水起重機器各一副輪在漢候信請卽回電如允卽派鄭榮光往運盼切餘詳另函

直督王夔帥來電

六月二十日

頃接總署電稱陸路電約第九款應用之款每四法郎克半二十五生丁作英洋一元現喀使來商擬改照新定水線章程訂定每八箇法郎克半作英元兩元七十五箇先令比原訂銀價較低其意安在希電詢盛道速覆等因希速覆

寄王夔帥

六月二十日

中俄接線合同第九款每字八法郎克半作洋二元現照新定水線章程每字八法郎克半作洋二元七角五分尙屬通融若照實在全價核算每字八法郎半須作銀洋三元左右因恐每字報價忽漲一元未免各商不願俟明年改收每字七法郎克時再照實在全價核收中俄合同係喀使原經手是以此次更價必須伊來商議由總署核准簽字似可照辦乞轉復

寄張香帥

六月二十日

效電飭擬電署謹略云鐵政奉 旨招商逾年無效推

原其故華商無銀行商民之財無所依附散而難聚現與熟悉商務員紳籌議鐵路收利遠而薄銀行收利近而厚若是銀行權屬洋人則鐵路欲招華股更無辦法國家本有開銀行之議鈞電鐵路既以集華股歸商辦爲主銀行似亦應一氣呵成交相附麗集華股則利不外溢歸商辦則弊不生如鈞意許可當再酌議章程具奏云頃聞赫事尙未定乞與夔帥裁奪

直督王夔帥來電

六月二十日

頃接總署號電稱咨悉大北東公司請借用鼓浪嶼至廈門南台至川石山水綫以遞海綫電報盛

道與訂明辦法三款均可照准該公司如請在南
台廈門設局安置機器與原議不符自應堅拒電
局既未訂明接遞英俄兩使無須來商設或再思
到此本署亦必照此答復至兩公司願繳設綫之
費以抵過綫電費應否收受之處仍由盛道定奪
等因希照辦

寄武昌張香帥

六月二十一日

所擬節略尙欠扼要語此事要在先派定總理人准立
公司一面勘路造軌開工聽其設法招集華股如一時
招不足准其先借洋債商借商還須力言洋債與洋股

不同必無流弊但將作保一層含混略過將來公司呈送合同自可核准乞備鈞裁

寄天津王夔帥

六月二十一日

龔使復電未見張振勳可充一總董責成外埠招股若借洋款與美國密議商借商還以路作保必要國家核准而後可因路非商人所有消納不易辦到摺內似須說破公司商股如一時招不足准其暫借洋債須力言洋債與洋股不同必無流弊但將作保一層含混略過將來公司呈送合同自可核准除電商香帥外乞備鈞酌

寄鄂督張香帥

六月二十五日

命叙全稿恐無此力量今晚再將剩議繕寄松雲補綴
呈核赫德銀行章程已呈總署大約以各海關爲根本
此間西人多有知者鈞意從緩自當通知各商股暫擱
又 六月二十五日

頃自普陀回蒙示會電內盛道自滬來電見許壻彭姓
云云求刪去好在許稟軍務處已自言矣

寄武昌惲菴翁

六月二十五日

路股非銀行不成此利權全在商董不在一人續奏尤
妙正件尙有剩義卽寄請尊處併繕片乃鮑叔責也仲

豈能爲之

寄王夔帥

六月二十五日

香帥電示總署會電內盛道自滬來電言見許壻彭姓云云務求刪去頃已電稟香帥矣

武昌惲菴雲方伯來電

六月二十日

來函已爲面呈奉帥諭節略甚妥仍裝叙正摺速卽寄來緣有間架則易改尤勿遜謝脫稿後趕寫兩分迅寄津鄂以便兩帥摘要電商尅日具奏銀行一層在此時似不宜夾雜上陳且利權併一人亦炫觀聽隨後上緊續奏便無痕迹乞密囑各語

亦經婉達帥云如能久在鄂垣實所極願片內如
何透意卽囑設法措詞當爲酌定入都亦須奏明
均囑擬稿或併爲一片或分作兩片望爲酌之並
云機不可失雖已有人先容而入謁面籌自不可
緩等因大帥恩遇如此公聞之必當感泐更誓以
此身許國矣許款全是憑空結撰摺內自應剔開
帥云無慮其藉詞推委餘函詳

鄂督張香帥來電

六月二十三日

頃致夔帥電云擬會電總署云銑電謹悉劉呂方
等商津鄂均經見過呂商明言西洋股劉鶚呈驗

履祥洋行憑單方需咸呈驗麥加利洋行憑單均
無洋人簽名當經電上海道暨飭津海關道查訊
滬津各該洋行得悉均係洋股影射惟許道託病
未來據云在外洋有華股七百萬經韶洞等電詢
南洋新加坡領事張振勳據復稱舊金山未悉南
洋無招股事等語又據盛道宣懷自滬來電言昨
見許壻彭姓云許道應辦舊金山有華股七百萬
因外省督辦遂致觀望云云復經會電駐美楊使
查詢昨得楊復電云據金山領事電復二月間美
人夾埠由華到金自稱許道辦蘆漢鐵路代招洋

股每股百兩查在金華商並未入股云等語新加
金山既均無華商招股事是四商均不可靠至許
所稱因官督辦以致觀望顯是遁飾之辭 旨雖
派韶洞等會同督辦諸事仍歸商辦毫不掣肘商
得官維持扶助乃其所願何致觀望鐵路乃今日
要政豈可再任延誤茲謹遵鈞意會同酌議已另
籌有辦法擬設蘆漢鐵路公司奏派熟悉商務身
家殷實之員爲總理卽責成該員招集華股歸商
自辦無論許道及他商如真招有華股儘可隨時
附入章程大略已議妥事必有成數日內卽具奏

某某同肅等語祈酌核改定卽發等語前寄來之
稿過略補綴太費事務望叙一全稿速寄鄂切盼
勿遲

寄王夔帥惲菴翁

六月二十五日

上年特 旨派胡雲楣辦津蘆鄭重冠冕蘆漢工長款
鉅艱難十倍聲光稍減難動視聽招股借債均有窒礙
今閱會電擬派熟悉商務身家殷實之員不過尋常鹽
典商考語大題小做決難交卷前稟本請另簡賢能乞
電商香帥務從前請

津督王夔帥來電

六月二十五日

總署會電前日已發聽之可也

又 六月二十六日

前發會電本係過峽文字不過描一影子隨後落到正文自然另有一番興會此事辦理次第曾與香帥一再熟籌未經揭曉不欲漏洩春光也香帥處想亦有此電互商矣

直督王夔帥寄鄂督張香帥電 六月二十五日

養三電敬午到當飭津海李道親往確查據麥加利行主森順面稱方需成等並無存款亦無三百萬兩現銀是實等語韶查方培珪與呂慶麟兩股

均倚英商韋立森爲財東韋立森反轉託麥加利
代承故方呂初到津時曾派員往詢該行尙含糊
其詞茲李道親往面見行主森順詳切根究便爾
吐實則此時可無疑義矣

又

六月二十六日

盛道原電云上年特旨派胡雲楣辦津蘆鄭重
冠冕蘆工長款鉅艱難十倍聲光稍減難動視德
招股借債均有窒礙今閱會電擬派熟悉商務身
家殷實之員似不過尋常鹽典商考語大題小做
決難交卷前稟本請另簡賢能乞電商香帥務從

前請等因希督照

又六月二十六日

盛道徑電有大題小做字樣者尊處亦接到否頃復以此係過峽文字不過描一影子自然另有正文在後云云該道於此事步驟尙未十分領會故有爽然之意望切實開示之如尊處未接此電示知容速補達

鄂督張香帥寄直督王夔帥電

六月二十六日

盛道致尊處徑電有大題小做字樣者敝處並未接到請速補示爲禱

寄武昌惲菴翁

六月二十六日

昨有會電中有身家殷實字樣頗不冠冕辦此事所舉
員董閭人甚多若無體面必難籠罩徑電北洋同發襲
帥復電前發會電本係過峽文字不過描一影子隨後
落到正文自然另有一番聲光此事辦理次第曾與香
帥一再熟籌未經揭曉不欲漏洩春光香帥處想亦有
此電頃已有電互商云頃奉廿二尊函備荷推誠自必
感激但進止礙難自籌擬候尊電再行函復

武昌惲菴翁來電

六月二十六日

三電均已轉呈此等重大事件遴員總理非有十

分上考豈能饜中外之望夔帥所言分寸最合香
帥如此推重期許更復何慮正摺做好否請速分
寄考語處多空兩行以待兩帥電填考附片鮑叔
苦於做不出仍請仲自擬作爲出自鮑叔之手另
代繕呈則可事機已迫速辦爲要

愚齋存稿卷八十九